

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 7/10) i člana 11. stav 2. Zakona o koncesijama (Prečišćeni tekst) («Službene novine Zeničko-dobojskog kantona», broj: 5/03), na prijedlog Ministarstva za privredu, Vlada Zeničko-dobojskog kantona, na nastavku 59. sjednice, održanom 11.04.2012. godine, d o n o s i

ODLUKU

o dodjeli koncesije za istraživanje i eksploataciju mineralnog resursa tehničko-ukrasnog kamena krečnjaka, na lokalitetu Dobrun-Dugandžići K.O. Olovske Luke, općina Olovo.

Član 1. (Predmet koncesije)

Privrednom društvu „MARMEK“ d.o.o. Sarajevo (u daljem tekstu Koncesionar) dodjeljuje se koncesija za istraživanje i eksploataciju mineralnog resursa tehničko-ukrasnog kamena krečnjaka, na lokalitetu Dobrun-Dugandžići K.O. Olovske Luke, općina Olovo.

Član 2. (Lokacija)

(1) Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

TAČKA	KOORDINATA Y	KOORDINATA X
A	6 552 923,846	4 884 569,225
B	6 553 048,196	4 884 540,234
C	6 553 051,099	4 884 441,333
D	6 553 004,819	4 884 374,820
E	6 552 921,549	4 884 358,888
F	6 552 842,874	4 884 410,679
G	6 552 871,459	4 884 449,560
H	6 552 911,682	4 884 549,752
A	6 552 923,846	4 884 569,225

(2) Ukupan prostor, koji je predviđen za istraživanje i eksploataciju, zauzima k.č. 1690, K.O. Olovske Luke -30, Gurdići-10, Dugandžići-12 općina Olovo, ima ukupnu površinu od 2,99 ha.

Član 3. (Ugovor)

Zadužuje se Ministarstvo za privredu da u skladu sa ovom Odlukom i odredbama Zakona o koncesijama potpiše Ugovor o dodjeli koncesije za istraživanje i eksploataciju mineralnog resursa tehničko-ukrasnog krečnjaka na ležištu Dobrun-Dugandžići, u općini Olovo u roku od 60 dana od dana stupanja na snagu ove odluke.

Član 4. (Elementi Ugovora)

- (1) Osnovni elementi Koncesionog ugovora su:
- a) Vrijeme koncesije za istraživanje je 1 godina (jedna godina), računajući od dana dobijanja dozvole za istraživanje, a vrijeme koncesije za eksploataciju je 20 godina, računajući od dana dobijanja dozvole za eksploataciju;
 - b) Minimalna visina kontinuirane koncesione naknade je 3,00 KM/m³ čvrste mase (slovima: trikonvertibilnamarke po metru kubnom čvrste mase);
 - c) Minimalna visina jednokratne koncesione naknade je 1,00 KM/m² istražno-eksploatacionog prostora (slovima: jednakonvertibilnamarka po metru kvadratnom);
 - d) Minimalna godišnja količina eksploatisanog krečnjaka na koji je Koncesionar dužan plaćati koncesionu naknadu je 20.000 m³/godišnje (slovima:dvadesethiljadametara kubnih čvrste mase po godini).
 - e) Maksimalna količina eksploatisanog krečnjaka u fazi istraživanja je 1.000m³ čvrste mase.
- (2) Koncesionar je dužan prije potpisivanja Koncesionog ugovora obezbijediti:
- a) Uplatnicu na 29.900,00 KM kao jednokratnu koncesionu naknadu;
 - b) Ovjerenu mjenicu sa mjeničnom izjavom na iznos od 120.000,00 KM;
 - c) „Nulto stanje“ ležišta prije početka istražno-eksploatacionih radova sa fotografisanjem eventualnih postojećih objekta u blizini ležišta.
- (3) Koncesionar je dužan prije dobijanja dozvole za eksploataciju obezbijediti:
- a) Urbanističku, vodoprivrednu, šumsku saglasnost, te okolinsku dozvolu.

Član 5. (Istraživanje i eksploatacija)

(1) Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

(2) U slučaju da Koncesionar ne otpočne sa istraživanjem i eksploatacijom krečnjaka u roku od jedne godine, računajući od dana donošenja ove Odluke, smatrat će se da je odustao od realizacije projekta.

Član 6. (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/12.

Datum, 11.04.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

- 1x Ministarstvo za privredu,
- 1x Ministarstvo za prostorno uređenje, promet i komunikaciju i zaštitu okoline,
- 1x Ministarstvo za poljoprivredu, šumarstvo i vodoprivredu,
- 1x „Službene novine Zeničko-dobojskog kantona“,
- 1x „MARMEX“ d.o.o. Sarajevo (putem ministarstva),
- 1x a/a.